

— Ko e heigoa e NCEA?

NEW ZEALAND QUALIFICATIONS AUTHORITY



NZQA

NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

— Ko e heigoa e NCEA?

Ko e heigoa e NCEA?

Ko e matapatu fakamailoga fakaako e NCEA ma e tau fānau aoga he tau aoga tokoluga i Niu Silani.

Ko e kakano he NCEA, ko e National Certificate of Educational Achievement. Ti pūhala mai he tolu e papahi: 1, 2 mo e 3 ke gahua ki ai e tau fānau aoga mai he tau tau 11 ke he 13.

Ko e NCEA ke lata ma e tau fānau aoga oti – falu liga to oatu ke he tau aoga pulotu, falu liga kua fakatoka ke kamata fakaako gahua, ka e tumau nī e falu ke manako ke ako he tau lotomatala ke he tau lima ke moua fakamafiti e gahua ka oti mai mo e aoga. Ko e haau a fifiliaga ke he tau fakaakoaga haau ke taute to mītua nī ke he pūhala kua manako a koe ke fano ai.

Mouaaga he tau ola kautū

Ko e tau magaaho ki tua, mena taute he tau fānau e taha kamatomata tolu tulā he matahiku tau ke kitia aki e tau mena ha lautolu ne ako ki ai he fakaakoaga.



Ma e NCEA, fai kamatomata mahuiga agaia he motu (fakahigoa ko e tau kamatomata i fafo he aoga) (external assessment) he matahiku tau ka e maeke foki a koe ke kamatomata po ke liu kitekite ke he ha magaaho ni he tau – kua fakahigoa ko e kamatomata i loto he aoga (internal assessment) hā ko e mena taute ni he aoga.



Mena to liga lahi atu e tau gahua he kamatomata i loto he aoga ka e hā i ai e tau mena kua nā kai maeke ke kamatomata ki ai he kamatomata nofo ki lalo – Ko e hā ne tohi ai e tauteaga fakasaiene ka e maeke a koe ke taute e fakataitaiga ki loto he fale tivi (lab) ke kitia e tau fakahikuaga mooli; Ko e hā ne tohi ai ko e taute fēfē e fakamatalaaga ke he vagahau Maui ka maeke a koe ke tū hake ki luga ti talahau?

Ke he NCEA, vehevehe e tau fakaakoaga ke he tau mena kua lata i a koe ke iloa mo e maeke ke taute – ti fakahigoa e tau mena nai ko e tau fakavēaga hā ko e mena fakatokatoka e lautolu e tau fakavēaga.

Igatia e tau fakavēaga mo e tau ola kautū – ti totou e tau ola kautū oti ke moua aki e fakamailoga fakaako fakahiku. Ko e fakaakoaga tuga e papahi 1 he Vagahau Peritānia liga to moua mai e 4 ke he 10 e fakavēaga, ko e 20 po ke lahi atu e ola kautū.

Maeke e fakaakoaga he Vagahau Peritania ke lalafi ki ai e tau tohitohi fai kakano, tuga e tohi kumi gahua mo e taha ke tuku fakalataha mo e fakamatala e fakamatalaaga, ka e nā kai taute e kamatomata 3 matahola. Ko e falu he tau tūaga nai, to tivi ai he taha kamatomata he fakaotiaga he tau ti ko e falu, to hahā i ai e tau fuafuaaga he tau katoa.

Ke moua e fakamailoga fakaako NCEA papahi 1, kua lata a koe ke moua 80 e ola kautū. Putoia ke he tau mena nai e tau fakavēaga ke he totou, tohitohi mo e nūmela (fakaakoaga lukulukufeua mo e nūmela).

Maeke a koe ke ati hake fakahaga e tau ola kautū he tau – po ke ke he fiha e tau tau – ka e ka moua e koe e tau ola kautū, kua haau tuai a ia tukulagi. Ti maeke a koe ke mītua mo e tātānaki fakahaga haau a tau ola kautū.

Fakatokoluga e tau ononoaga

Ko e magaaho ka moua ai e koe haau a tau ola to iloa foki e koe ko e fiha ia e ola kautū haau kua moua – ka e maeke he tau ola haau ke fakakite falu a kitiaaga foki, nāikai nī ko e kautū he NCEA papahi 1.

To fakakite he tau ola haau e tau ola ma e tau fakavēaga takitaha mo e matatohi kua fakapiki atu ki ai – N, A, M, E.

Fakakakanoaga ko e Nāikai Moua (Not Achieved), Moua (Achieved), Mitaki (Merit) mo e Mitaki Lahi (Excellence). Fakakite he tau kupu nei ko e moua fēfē e koe e fakavēaga.

Ko e mena ke manatu, ko e ainei hagaao e E ke he Excellence – Mitaki Lahi ka ko e tau magaaho ki tua, nāikai ko e tūaga mitaki e E.

Ai maeke a koe ke moua foki falu a ola kautū ke moua e Merit mo e Excellence ka kua aoga lahi ke onono fakatokoluga.

Kaeke ke moua olatia e koe e tau ola kautū Merit po ke Excellence – liga ko e 50 – to moua e koe e Merit po ke Excellence ki loto he fakamailoga kautū NCEA haau – fakahigoa ko e Fakamailoga Fakamooli (Certificate Endorsement).

Aoga lahi ke onono fakatokoluga pete nī kua moua e koe 80 e ola kautū.

Aoga foki e Merit mo e Excellence kaeke kua mitaki foki haau a tau gahua ke he taha fakaakoaga foki.



Kaeke kua moua e koe 14 e ola kautū mo e fakamailoga Merit (po ke Excellence) ke he ha fakaakoaga tuga e nūmela po ke Tufuga Lologo mo e tau Lākau Fakatagitagi, to moua e koe e Fakamailoga Fakamooli.

Aoga e mena nai ka fakakite e koe haau a tau ola ke he falu a tagata ka oti mai a koe mo e aoga – po ke moua gahua po ke finatu ke he taha aoga pulotu kua fifili a koe ki ai.

Fano he hala hako

Fakatai e magaaho haau he aoga tokoluga ke he fenoga. Mena to manatu a koe ko koe he taha motu kehe ka e fano fakahaga ti aga mo e takatakai ti maeke a koe ke kumi atu foki ke he falu a matakavi mo e tau manatu fooo.





Ke tuga mo e ha fenoga, kua aoga lahi ke fai manatu ko e fano a koe ki fē mo e fai fakafonua ke fakatokatoka ko e hoko fēfē a koe ki ai. Kua manako a koe ke iloa kua hako e pūhala kua uta aki he tau fakaakoaga ne taute e koe a koe. Kua aoga lahi ke manamanatu ko e tau fakaakoaga fē ke moua aki e koe e tau ola kautū mo e onono atu fakatokoluga.

Kaeke kua amaamanaki a koe ke he taha gahua po ke taha fakaakoaga ke he taha aoga pulotu, kua lata a koe ke moua e tau ola kautū ke he tau fakavēaga kua manako e tau takitaki gahua po ke aoga pulotu po ke taha vahega aoga pulotu ke kitia ke he haau a tau ola. Maeke ke lalafi tau fakaakoaga kua lata mua atu ke he papahi 3 ke moua aki e University Entrance.



Ka e pete nī he moua e koe e University Entrance, nā kai pehē e mena ia to atainā a koe ke he ha fakaakoaga aoga pulotu kua manako a koe ki ai. Ko e vahānai manako e tau aoga pulotu ke kitia e loga he tau Merits po ke tau Excellences he tau ola haau – taha kakano a ia ati lata ai ke onono fakatokoluga.

Fakamaopoopoaga

Kia mailoga ko e tau fakavēaga kua fakaako a koe ki ai ke moua aki e koe e tau ola kua lata ma e haau a tau manako ka oti mai a koe mo e aoga. Hā kua mailoga he lalolagi e NCEA, kakano, kua maeke a koe ke fakaako ke he ha aoga pulotu i fafo he motu.

Ti mailoga ke fakatokoluga haau a tau ola ka moua – ke loga e tau Excellences po ke tau Merits.

Ka fai manatu a koe ti fakatutala mo e haau a tau mamatua po ke magafaoa. Po ke tutala ke he tau pulotu. Hūhū ke he haau a tau faiaoga, fano ke he kupega hila he NZQA – www.nzqa.govt.nz/ncea po ke hea ke he NZQA he 0800 697 296



New Zealand Qualifications Authority

P 0800 697 296

E helpdesk@nzqa.govt.nz | www.nzqa.govt.nz

Tohia 2012

Fiafia lahi a mautolu ke moua haau a tau manatu he tama tohi nai.
Fakamolemole finatu ke he: <http://www.nzqa.govt.nz/brochures>
ke fakapuke e taha kumikumiaga kū.



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

New Zealand Government